



NOVEMBER 2013

Posbus 20
Hermanus 7200

	Telefoon	Faks
Hermanus	028 313 8000	028 312 1894
Gansbaai	028 384 8300	028 384 0241
Kleinmond	028 271 8400	028 271 4100
Stanford	028 341 8500	028 341 0445

24 Uur Beheerkamer 028 313 8000/8111
Brandweer 028 312 2400

Bulletin

Amtelike nuusbrieff van die Munisipaliteit Overstrand

SPORTFEES IN WARE OLIMPIESE GEES

Ondanks die reën, was die Overstrand-sportfees wat op Saterdag, 5 Oktober, by die Hawston-sportgronde gehou is, 'n reusesukses. Sportgeesdrif-tiges vanuit alle uithoeke van Overstrand het hulle opwagting gemaak om te kyk hoe hulle Olimpiese helde die goue fakkel die stadion indra, en om hulle spanne aan te moedig om nog 'n einddoel te behaal: Die Burgemeesterstrofee.

Die seremonie het geopen met 'n simboliese goue fakkel wat deur Olimpiërs Cameron van der Burgh, John Smith, Sizwe Ndlovu, Matthew Brittain en James Thompson aan Burgemeester Nicolette Botha-Guthrie oorhandig is.

Nelson Nkanunu, 'n werknemer van Munisipaliteit Overstrand, het daarna die toeskouers in die sing van die Suid-Afrikaanse volkslied, gevolg deur die internasionale Olimpiese lied, gelei.

Burgemeester Nicolette Botha-Guthrie het die verhoog gedeel met plaaslike Raadslede en eregaste Gideon Sam, President van die Suid-Afrikaanse Olimpiese Komitee, en Dr Ivan Meyer, Provinsiale Minister van Kultuursake, Sport en Ontspanning. Beide het gesê dat dit vir hulle

'n geweldige voorreg is om deel te hê aan 'n geleentheid waar Overstrand se topspanne die geleentheid het om hulle talente tot vermaak van die toeskouers ten toon te stel.

In sy toespraak het Sam gesê dat hy dit verblydend vind om te sien dat kinders van so 'n jong ouderdom deelneem en het Burgemeester Botha-Guthrie se boodskap bekragtig deur te verklaar dat feeste van hierdie aard as aanmoediging moet dien vir almal om by sport betrokke te raak. Hy het ook daarop gewys dat SAS-KOK se primêre oogmerk is om jong mense die geleentheid te bied om môre se sterre te wees, maar het nogtans gemaak dat "Hierdie kinders wat vandag voor my staan, na die Olimpiërs moet opkyk; hulle [die Olimpiërs] het nie sommer net geland waar hulle is nie - hulle het baie klein begin, maar is vandag wêreldwyd bekend. Ek wil onderwysers en ouers graag aanmoedig om ons kinders te help om hulle drome uit te leef."

Die Wes-Kaapse Minister van Kultuursake, Sport en Ontspanning, Dr Ivan Meyer, het in sy toespraak die opmerking gemaak dat die

"Olimpiese beweging die drome en aspirasies van elke sportliefhebber vergestalt. Dit gryp die verbeelding aan en openbaar die mens se wese, dapperheid en moed in sy suiwerste vorm namate die atlete om die hoogste toekenning in sport - die Goue Medalje - meeding."

Ter afsluiting het Meyer erkenning verleen aan die rol wat geesdriftiges speel deur atlete se prestasies na behore te waardeer met die woorde "...die atlete wat vandag hier teenwoordig is, hierdie atlete is ons atlete. Hulle prestasies is vir ons 'n bron van vreugde en trots. Hulle versterk ons sin van patriotisme ongeag wie ons is; hulle prestasies bring die nasie tot stilstand in 'n gees van nasieskap ...een stem, een vlag, een embleem en een Suid-Afrika."

Die eindresultate van die wedstryde was as volg:

Rugby: Hawston wen 27-7 teen Black Leaves

Netbal: Hermanus klop Seastars 22-15

Dames-sokker: Mighty Ladies 3

vs Real Pioneers 2

Manssokker: Super Eagles 4 vs Early Birds 1

Krieket laat vaar weens die weer.



Hermanus is die netbalkampioene



Hawston Rugby loop weg met die louere



Super Eagles seëvier in toernooi



Olimpiese stoeiers



Hou die goue fakkel



'n Prettige toutrek-uitdaging!



Gestremdes ding vir die eerste keer mee

SÓ SLUIT KANTORE IN FEESTYD

Munisipale kantore en biblioteke sal vanaf 13:00 op Dinsdag, 24 Desember en Dinsdag, 31 Desember, gesluit wees vir alle sake. Noodsaaklike dienste sal steeds gelewer word. Na die Kersdae (25 en 26 Desember) open die kantore soos normaalweg op Vrydag, 27 Desember om 07:45. In die Wes-Kaap is 2 Januarie ook 'n openbare vakansiedag en sal daar eers weer op Vrydag, 3 Januarie 2014, besigheid gedoen kan word.

GROTTO, KLEINMOND EN HAWSTON BEHOU BLOU VLAE

By die bekendstelling van vanjaar se Blouvlagprogram in Ramsgate, KZN, het Grotto, Kleinmond en Hawston getel onder die 41 strande waaraan Blouvlagstatus vir die 2013/14-seisoen verleen is. Die Blou Vlag is vir die elfde keer aan Grotto, vir die vyfde keer aan Hawston en vir die sewende keer aan Kleinmond toegeken.

Die Blou Vlag is 'n gesogte, vrywillige eko-etiket vir strande en word as 'n betroubare simbool van gehalte herken. As 'n internasionaal erkende jaarlikse toekenning, het dit ten doel om omgewingsbewustheid op te skerp en om gesonde omgewingspraktyke onder toeriste, plaaslike bevolkings en diegene wat belas is met die bestuur van ons strande te bevorder. Om Blouvlagstatus te behaal, moet strande aan 33 hoofkriteria voldoen wat in hoofsaak met vier aspekte

van kus bestuur te make het: watergehalte, omgewingsopvoeding en inligting, omgewingsbestuur, en veiligheid en dienste.

Leon Steyn, 'n omgewingspesialis verbonde aan Munisipaliteit Overstrand, sê, "die strande by Grotto, Kleinmond en Hawston het ten alle opsigte aan die neergelegde standaarde vir uitnemendheid voldoen. Ons standaarde vir lewensredding is voortreflik; die ablusie- en parkeringsfasiliteite uit die boonste rakke en dan is ons strande boonop toeganklik vir gestremdes. Natuurlik is ons hoogs in ons noppies met dié toekennings!"

As hoofspreekster by die bekendstelling-geleentheid, het die Minister van Toerisme, Marthinus van Schalkwyk, gesê dat die blote feit dat 'n Blou Vlag nie somer agter elke bos uitgeskop word nie, substansie aan die program verleen. Derhalwe, so meen hy, het hierdie vlage werklik die potensiaal om die volhoubaarheid van beide plaaslike gemeenskappe en plaaslike regerings te versterk aangesien hulle as 'n lokaas vir toeriste dien, verdienste in buitelandse valuta genereer en boonop werk- en entrepreneursgeleenthede skep.

Leon Steyn, Marthinus van Schalkwyk, rdl Rudolph Smith en Thommie Burger.

PARKEERGELDE: GROTTO & KLEINMONDSTRANDE

Aflaai per bus (meer as 14 sitplekke)	R110.00
Geparkeerde busse: munisipale parkeerterrein per dag	R170.00
Per voertuig per dag of gedeelte van 'n dag (Wes-Kaapse Desember-skoolvakansie)	R10.00
Inwoner permitte per jaar (slegs twee per eienaars van erwe)	R40.00
Seisoenkaartjie per motorvoertuig (Wes-Kaapse Desember-skoolvakansies)	R120.00

Die bogenoemde gelde sal gehef word vanaf 4 Desember 2013 tot 14 Januarie 2014 (skoolvakansie) vanaf 08:00 tot 16:00.

Die kontakpersone vir seisoenkaartjies en inwonerpermitte (beskikbaar vanaf 1 November 2013) is as volg:

- Hermanus-administrasie: Heather Appel 028 313 8135
- Kleinmond-administrasie: Carla Swartz 028 271 8411

DROMME VIR GEVAARLIKE HUISHOUDELIKE AFVAL EN E-AFVAL

Olieverf, plaagdoders, batterye, gebruikte motorolie en baie skoonmaakprodukte is maar 'n paar voorbeelde van gevaarlike huishoudelike afval wat daagliks deur inwoners gegenereer word. Hierdie items bevat toksiese bestanddele en moet met sorg gebruik en mee weggedoen word. Dit moet nie as deel van normale vuilnisverwydering uitgeplaas word nie, en moet asseblief nie motorolie, verf of oplosmiddels in dreine of rirole stort nie.

Twee verskepingshouers en 'n reeks dromme vir gevaarlike huishoudelike afval en elektriese/elektroniese afval (e-Afval) word in elke administrasie by die volgende plekke voorsien:

- Kleinmond: Kleinmond-oorlaastasie, Hoofweg, Kleinmond
- Hermanus: Hermanus-oorlaastasie, Swartdamweg, Hermanus
- Stanford: Stanford-aflaai-punt, Rivierstraat, Nywerheidsgebied, Stanford
- Gansbaai: Gansbaai-stortingsterrein, Voortrekkerstraat, Gansbaai

Ses verskillende dromme vir gevaarlike huishoudelike afval word voorsien:



Drom 1 vir BYTMIDDELS

Voorbeelde is rioolskoonmakers, roesverwyderaars, swembadsuur en bleikmiddels (korroderend en oksiderend) sowel as oondskoonmakers. Etikette lees gewoonlik: "Korroderend - vermy kontak met vel of oë"



Drom 2 vir ONTVLAMBARE STOWWE

Voorbeelde is brandstof, brandolie, butaan, oliebasisverf en verfverdunders. Etikette lees gewoonlik: "Uiters vlambaar" of "Hoogs vlambaar"



Drom 3 vir TOKSIESE MATERIAAL

Voorbeelde is benseen, sianiedverbindinge (soos in beroingsmiddels vir rotte), talliumsulfaat (ant traps), koolstoftrichloried (ou brandblussers) en verouderde plaagdoders, soos warfarin in rottegif. Etikette vertoon dikwels 'n skedel en kruisbene en lees gewoonlik: "Gevaar/Gif" of "Waarskuwing - Hou buite bereik van kinders"



Drom 4 vir OKSIDEERDERS

Hierdie chemikalieë reageer heftig met ander verbindinge en kan brande of ontploffings veroorsaak. Voorbeelde sluit in swembadchloor, natriumhipochloriet (huishoudelike bleikmiddels), ens. Etikette lees gewoonlik: "Waarskuwing - Sterk oksiderend"



Drom 5 vir DROËSEL-BATTERYE



Drom 6 vir KOMPAKTE BUISLIGTE OF ENERGIE-BESPARENDE GLOEILAMPE

Dra sorg om nie die ligte te breek nie aangesien hulle toksiese gasse bevat. Indien 'n lig binnenshuis ontplof, verlaat die vertrek onmiddellik totdat dit ten volle geventileer het.

Let asseblief daarop dat die dromme slegs vir gevaarlike huishoudelike afval is, en sake-ondernemings en boere met grootmaat-gevaarlike afval moet dit direk na die Vissershok-stortingsterrein vir gevaarhoudende stowwe in Bellville neem.

Daar kan ook met alle ou rekenaars en drukkers in die houer vir e-Afval weggedoen word by die terreine hierbo vermeld.

Gebruikte motorolie kan na Walker Bay Recycling in Swartdamweg, Hermanus, geneem word waar 'n drom vir hierdie doel voorsien is.

OVERSTRAND KRY SY EIE TOERISME-AMBASSADEUR



Craig Holmes

Met die koue, nat weer aan die opklaar, beter Overstranders hulle vere begin regskud om besoekers weer eens vir nog 'n fantastiese somervakansie te verwelkom. Dit is die boodskap van die voorsitter van Overstrand se Toerisme-advieskomitee (OTAK), Craig Holmes.

Volgens Craig het vanjaar se Walvisfees in Hermanus weer daarin geslaag om besoekers in groot getalle te lok bloot omdat hulle nie die drang kon weerstaan om alles op Overstrand se spyskaart te proe, te ervaar en te ruik nie. Dan was daar natuurlik die moontlikheid dat mens op 'n walvis kon afkom wat met 'n baldadige geplons in die see baljaar of, as jy regtig gelukkig is, het jy dalk laatnag die onvergeetlike voorreg gehad om te hoor hoe een walvis na 'n ander roep... Genoeg om enige mens hoenderleis te gee!

Gedagtig aan die opkomende vakansieseisoen wil Craig alle inwoners egter daaraan herinner dat Overstrand se aanloklikhede heelwat verder as die walvisse strek. Dink maar, byvoorbeeld, aan die rekordbywoning van die jaarlikse Blomme-fees in Fernkloof, gure weer ten spyt.

En dit is juis omdat Overstrand so baie het om aan te bied dat ons 'n vennootskapsgeleentheid met Wesgro (die Wes-Kaapse Bestemmingsbemarking-, Belegging- en Handelsbevorderingsagentskap) aanvaar het deur 'n Toerisme-ambassadeur aan te stel: 'n Ganspersoonlikheid met die vermoë om die area se deugde beide plaaslik en internasionaal te bemark.

Bob Skinstad, 'n alombekende voormalige Springbok-rugbyspeler en deesdae 'n sportkommentator, -aanbieder en entrepreneur, het ingestem om ons eie Toerisme-ambassadeur te wees. OTAK wens hom alle voorspoed toe met die verkondiging van Overstrand se deugde in die toerismewêreld en alles wat daarmee gepaard gaan.

DUO EN VIRTUOOS BELOOF GENOT

Op Saterdag, 9 November, om 19:00, bied OAK die Koreaanse violis Yura Lee in konsert aan. Lee is met die eerste prys in UNISA se 2010 internasionale kompetisie bekroon!

Op Sondag, 17 November, om 15:30 keer die Italiaanse tjello-duo, Jerome Pernoo en Jerome Ducros, terug na Overstrand.

Beide konserte word in die auditorium by die Burgersentrum in Hermanus gehou.

Kaartjies kos R100 (R50 vir studente) en besprekings kan gemaak word deur BELLINI GALLERY by 028 312 4988 te skakel. Ander navrae kan gerig word aan sekretaresse René du Plooy by 082 940 4238.



Jerome Pernoo & Jerome Ducros



Yura Lee